



cefe bih



JAVNI POZIV

Za učešće u CEFE Programu podrške preduzetništvu

CEFE program podrške preduzetništvu u općini Centar Sarajevo

Općina Centar Sarajevo i Udruženje trenera CEFE u BiH, kroz projekat podržan od strane Ambasade Sjedinjenih Američkih Država u BiH, pozivaju osobe zainteresovane za preduzetnički angažman – pokretanje vlastitog poslovnog poduhvata, da se prijave za učešće u **CEFE Programu podrške preduzetništvu** koji se organizuje na teritoriji i uz podršku Općine Centar Sarajevo.

Kroz **CEFE Program podrške preduzetništvu**, polaznicima će biti osigurana obuka u jačanju ličnih preduzetničkih kapaciteta, podrška u izradi biznis plana i tehnička podrška u registraciji i pokretanju biznisa. Za najbolje ocijenjene biznis planove osigurana je finansijska podrška pokretanju biznisa, te, u skladu sa mogućnostima, dugoročna mentorska podrška kroz Mrežu podrške preduzetništvu.

Prijave po ovom Javnom pozivu moguće je predati **do 21.02.2020. godine** (do kraja dana) na protokol Općine Centar Sarajevo ili putem email adrese Haris.Vlajcic@centar.ba.

Uvodne informacije

Udruženje trenera CEFE u BiH (CEFE), od 2005. godine aktivno pruža podršku razvoju preduzetništva u BiH. Osnova rada je međunarodno priznata *CEFE metodologija*, koja predstavlja sveobuhvatan skup vježbi i instrukcija osmišljenih da stimulišu pozitivne promjene u različitim razvojnim procesima putem metoda iskustvenog učenja. Kroz tako osmišljen pristup, CEFE učesnicima omogućava razvoj vještina koje im pomažu da uspiju i svom profesionalnom i poslovnom životu, omogućavajući im da na zabavan način i u sigurnoj okolini prožive situacije koje ih čekaju u stvarnom preduzetničkom i profesionalnom životu, te da sagledaju raspoložive resurse i snage i prilagode svoje ponašanje.

Radi unapređenja poticajnih politika na lokalnom nivou i koordinacije i stalnog unapređenja sistema podrške CEFE je u 2019. godini inicirao uspostavu **Mreže podrške preduzetništvu** – neformalne koalicije institucija, organizacija i kompanija. Članice mreže promovišu aktivan odnos u podršci preduzetnicima, saradnju na razvoju novih poticajnih politika i unapređenje javne percepcije preduzetništva. Jedan od ključnih praktičnih alata za realizaciju misije **Mreže podrške preduzetništvu** je i CEFE Program podrške preduzetništvu.

CEFE Program podrške preduzetništvu na teritoriji općine Centar Sarajevo, realizuje se na osnovu Ugovora o saradnji Općine Centar Sarajevo i Udruženja trenera CEFE u BiH. Realizacija aktivnosti podržana je od strane Ambasade SAD u BiH i Općine Centar.

Opis programa podrške

1. Predmet poziva: podnošenjem prijave na ovaj Javni poziv, zainteresovani kandidati se apliciraju za učešće u CEFE programu podrške preduzetništvu, koji se realizuje u partnerstvu Općine Centar i CEFE BiH.

2. Prihvatljivi poslovni poduhvati za učešće u programu podrške: CEFE program podrške preduzetništvu otvoren je za aplikante i poslovne poduhvate koje kao rezultat podrazumijevaju formalno osnivanje privrednog subjekta, bez obzira na formu registracije. Neprihvatljivim se smatraju samo oni poslovni poduhvati koji imaju negativan uticaj na ljudsko zdravlje (npr. alkoholna pića, duhanski proizvodi, itd.) ili okoliš.

3. Podnosioci/podnositeljice: Na ovaj poziv prijaviti se mogu fizička lica sa mjestom boravka na području općine Centar Sarajevo. Ciljne grupe koje imaju prednost pri apliciranju su mlade osobe (do 30 godina) i žene. Od polaznika se očekuje:

- *Poslovna ideja, čija razrada će biti predmetom rada u programu podrške,*
- *Stručna sprema i potrebno tehničko iskustvo u struci koja je relevantna za pokretanje poslovnog poduhvata. Ovo se naročito odnosi na poduhvate čija registracija zahtijeva odgovarajuću formalnu stručnu spremu osnivača,*
- *Spremnost za lični rast i razvoj u oblasti poslovnih i preduzetničkih vještina.*

4. Podnošenje prijave za učešće – prijave se zaprimaju u periodu 17.01 – 21.02.2020. godine, ispunjavanjem odgovarajućeg *Aplikacionog formulara* uz prilaganje dodatnih dokumenata:

- Dokaz o završenoj stručnoj spremi,
- Kopija lične karte ,
- CIPS prijava prebivališta,
- Eventualna dodatna dokumenta po izboru aplikanta - dokazi o stečenim profesionalnim iskustvima u oblastima koje su relevantne za poduzetnički poduhvat (kopije dokumenata)

Aplikaciju je moguće predati lično na Protokol Općine Centar Sarajevo, adresa Mis Irbina broj 1 ili elektronski, na adresu Haris.Vlajcic@centar.ba. Nepotpune prijave neće biti uzeti u obzir. Nakon isteka ovog Javnog poziva, zaprimljene prijave će biti ocijenjene od strane komisije sastavljene od predstavnika CEFE BiH, Općine Centar i nezavisnih eksperata. Najbolje ocijenjenih 25 kandidata će biti prihvaćeno u program. U slučaju odustanka pojedinih kandidata, naredni kandidati, prema dodijeljenoj ocjeni, će biti pozvani da učestvuju u programu.

5. Dostupni tipovi podrške: Polaznici CEFE programa podrške preduzetništvu učešćem u programu dobijaju:

1. Obuku u jačanju ličnih preduzetničkih kapaciteta,
2. Mentorstvo u razvoju biznis plana za odabrani poduhvat,
3. Podršku u prezentaciji poslovnog poduhvata stručnoj komisiji,
4. Finansijsku podršku u pokretanju poslovnog poduhvata (samo za najbolje ocijenjene učesnike),

Komponente podrške prikazane na gornjoj listi će biti ponuđene preduzetnicima koji budu uspješno savladavali individualne cikluse programa. Podrška u svakom ciklusu uslovljena je uspješnim završetkom prethodnog ciklusa. U slučaju neispunjavanja preuzetih obaveza, organizatori zadržavaju pravo da isključe bilo kojeg učesnika iz programa podrške.

Elementi programa podrške

Podrška razvoju poslovnih poduhvata se sastoji od više faza. Kandidati (učesnici) koji uspješno kompletiraju zadatke postavljene u trenutnoj, dobijaju priliku da učestvuju u narednoj fazi podrške:

- Faza 1: procjena kvaliteta poslovne ideje te ličnih kapaciteta i posvećenosti preduzetnika. Sastoji se od dvodnevno dogaćaja na kojem se procjenjuje kvaliteta i originalnost poslovne ideje te kompetencije i posvećenost preduzetnika njenoj realizaciji. Uspjeh u ovoj fazi podrazumijeva potvrđenu posvećenost preduzetnika realizaciji poduhvata te spremnost za učenje - prihvatanje novih znanja iz oblasti preduzetništva;
- Faza 2: Validacija poslovne ideje. U ovoj fazi učestvuju preduzetnici koji su uspješno završili prvu fazu. U ovoj fazi, koja ukupno traje 2 mjeseca, organizuju se 2 dvodnevna dogaćaja uz seriju zadataka za samostalni rad;
- Faza 2.a: Izrada biznis plana poslovnog poduhvata. Faza se realizuje paralelno sa aktivnostima obuke opisanim u okviru faze 2 a podrazumijeva mentorstvo u izradi svih dijelova biznis plana, uključujući i finansijske projekcije;
- Faza 3: Predstavljanje poslovnih modela pred stručnom komisijom za ocjenu poslovnih planova.
- Faza 4: Finansijska podrška: Najboljim poslovnim poduhvatima biće ponuđena finansijska podrška u pokretanju biznisa. Očekivani iznos podrške je 5.000 KM a broj podržanih biznisa je 2.
- Faza 5: U slučaju biznisa čiji kvalitet i potencijal ukazuje na značajniji komercij

Formular za prijavu zainteresovana lica mogu preuzeti na web sajtu Općine Centar Sarajevo ili na info-pultu u zgradi Općine Centar Sarajevo.

Popunjen formular i prateće dokumente (dokaz o završenoj stručnoj spremi, kopija lične karte, CIPS, dokaz o stečenim iskustvima – kopije dokumenata) moguće je predati u pismenoj ili elektronskoj formi. Pismena prijava se predaje na Protokol Općine Centar Sarajevo, dok je elektronsku prijavu moguće poslati na email adresu Haris.Vlajcic@centar.ba. Za bilo koji od dva ponuđena načina predaje prijave, bitno je osigurati da je Prijavni formular popunjen u potpunosti, odnosno da nema nedostajućih informacija.